

玉

海

四
十
三

玉海卷第八十八

浚儀王應麟伯厚甫

器用

鼎鼐

以木與火養人之象

秦帝神鼎

見後汾陰鼎

黃帝神鼎

黃帝寶鼎

三鼎

詳見漢

汾陰鼎段

子華子黃帝之治天下百神受職於明堂之庭帝乃

采銅於首山作大鑪鑄神鼎於山上鼎成羣龍下迎
史記黃帝紀天下有不順者黃帝從而征之平者
去之未嘗寧居東至于海登九山及岱宗西至于空
峒登雞頭南至于江登熊湘北逐葷粥合符釜山而
邑于涿鹿之阿遷徙往來無常處以兵師爲營衛官
名皆以雲命爲雲師置左右大監監于萬國萬國和
而鬼神山川封禪與爲多焉獲寶鼎迎日推策舉風
后力牧常先大鴻以治民 郊祀志公孫卿曰今年
得寶鼎其冬辛巳朔旦冬至與黃帝時等卿有札書
鬼臾區對曰黃帝得寶鼎神策是歲己酉朔旦冬至

凡二十推三百八十年黃帝仙登於天 瑞應圖黃
帝造三鼎以象太一 曹植有黃帝三鼎贊 文選
江淹詩廣成愛神鼎 號州有黃帝鑄鼎原唐王顏
作銘

舜甗

韓詩外傳舜甗盆無臚飯乎土簋啜乎土型

古史考黃帝始作甗

丹甗 神鼎

禮運山出器車注器謂若銀甗丹甗也 唐薛邕丹
甗賦曰中含虛兮體道上應規兮法天以孝以享兮

可以饋饕多稌多黍兮屢惟豐年 史翺丹甌賦曰
既申命以自天類有孚而盈缶不汲而滿寶鼎齊列
不炊而沸溫泉比崇異陶鈞之有作符造化之爲功
白虎通王者德至山陵丹甌見 宋志丹甌五穀
豐熟則出神鼎者質文之精也知吉知凶能重能輕
不炊而沸五味白生王者盛德則出玉甕不汲而滿
王者清廉則出 晉志神鼎仁器也 典略神鼎丹
甌醴泉以爲大瑞

禹九鼎 周郊鄔鼎 唐銘九鼎

左氏傳宣公三年

定王元年

春楚伐陸渾之戎遂至於雒

觀兵于周疆定王使王孫滿勞楚子問鼎之大小輕

重焉對曰在德不在鼎昔夏之方有德也遠方圖物

圖畫山川奇異之物而獻之

貢金九牧

使九州之牧貢金

鑄鼎象物

象所圖物

鑄之

百物而爲之備使民知神姦

圖鬼神百物之形使民逆備之故

民入川澤山林不逢不若螭魅罔兩莫能逢之用能

協于上下以承天休桀有昏德鼎遷于商載祀六百

商紂暴虐鼎遷于周德之休明雖小重也其姦回昏

亂雖大輕也天祚明德有所底止成王定鼎于郊廓

今河南也

武王遷之成王定之服虔注今河南有鼎中觀

卜世三十卜年七百

天所命也周德雖衰天命未改鼎之輕重未可問也

三
桓公二年四月臧哀伯曰武王克商遷九鼎于雒

邑義士猶或非之注九鼎殷所受夏九鼎也義士蓋

伯夷之屬正義其鼎有九故稱九鼎漢郊祀志禹

收九族之金鑄九鼎象九州云云見後段漢汾陰寶

鼎墨子夏后鑄鼎四足而方拾遺記禹鑄九鼎

五者以應陽法四名以象陰數說文禹鑄鼎荆山

之下帝王世紀在馮翊懷德之南子華子周之九鼎禹所以圖

神姦也黃帝鑄一禹鑄九揚子周室九鼎寶歌曰

器寶待人而後寶書召誥正義九牧貢金爲鼎故

稱九鼎其實二鼎顏率說齊王云武王遷九鼎用九

萬人以爲鼎有九此虛誕之辭然鼎之上備載九州

山川異物亦又何疑史記武王命南宮括史佚展

九鼎寶玉

周書克殷解乃命南宮伯達史佚遷九鼎三巫注地也

威烈王二十

三年九鼎震

後漢郡國志雒陽東城門名鼎門注

帝王世紀曰東南門九鼎所從入唐書鍾紹京武

后時諸宮殿明堂及銘九鼎皆其筆也李泌天寶中

復獻明堂九鼎議

唐志許康佐九鼎記四卷

樸傳

記

書曰陳太子中庶子虞荔撰鼎錄一卷錄自古

鼎形象款識始於夏九鼎終於王義之書鼎

夏昆吾鼎 周昆吾鼎

後漢崔駰傳達旨辭曰乃將鏤立珪冊顯功銘昆吾
之治勒景襄之鍾注蔡邕銘論曰呂尙作周大師封
于齊其功銘于昆吾之鼎一作治 文選注引同上墨子耕篇
夏后開使飛廉析金于山而陶鑄之於昆吾使翁難
雉乙卜於白若之龜龜曰鼎成四足而方不炊而自
亨不舉而自藏不遷而自行祭於昆吾之墟乙又言
兆之繇曰饗矣逢逢白雲一南一北一東一西九鼎
既成遷于三國 文選張景陽七命卻馬於冀車之
轅銘德于昆吾之鼎注墨子曰昔夏開使飛廉採金
於山以鑄鼎於昆吾

崔駰傳注同

鼎錄太公於渭

水得玉璜鑄一鼎刻其文曰璜鼎

湯鼎

外紀

又荀子說苑呂氏春秋

湯之時大旱七年遂齋戒翦髮斷

爪素車白馬身嬰白茅以身爲犧牲禱於桑林之野
持三足鼎祝山川以六事自責曰政不節歟民失職
歟宮室崇歟女謁盛歟苞苴行歟讒夫昌歟何不雨
之極也言未已大雨

文選注引說苑曰持三足鼎祝山川辭未已而天下大雨

伊尹鼎

楚辭天問緣鵠飾玉注伊尹修飾玉鼎以事湯湯賢
之以爲相魯連子伊尹負鼎佩刀以干湯

文選注

殷湯廟鼎

書高宗彤日序高宗祭成湯有飛雉升鼎而雒正義
王肅云高宗豐於禰故有雉升遠祖成湯廟鼎之異

周鼎

淮南子周鼎鑄倮使銜其指明大巧之不可爲也注
倮堯之巧工周鑄鼎鏤倮身於鼎使自銜其指 呂
氏春秋周鼎著饗饗有首無身食人未咽害及其身
以言報更也周鼎著鼠令馬履之爲其不陽也周鼎
著倮而齧其指有以見大巧之不可爲也

注周家鑄
鼎象百物

又曰殷之鼎
陳於周之廷

吾邱壽王傳鼎爲周出故名曰周

鼎 賈誼賦幹弃周鼎寶康瓠兮 史記西周武王

曰居三代之傳器索隱曰謂九鼎

周崇鼎 貫鼎

庸器 銘

明堂位崇鼎貫鼎大璜封父龜天子之器也 禮典

庸器

下士四人

注鄭司農云有功者鑄器銘其功春

秋傳作林鍾銘魯功庸器伐國所獲之器若崇鼎貫

鼎及其兵物所鑄銘祭祀饗射陳庸器注陳功器以

華國也

周曾水鼎 召公鼎

文選刻漏銘注蔡邕銘論曰昔召公作誥先王賜朕

鼎出于武當曾水

周康寶鼎

漢郊祀志宣帝以方士言立周康寶鼎祠於未央宮中

周十二鼎

膳夫王曰一舉鼎十有二物皆有俎注牢鼎九陪鼎三物謂牢鼎之實亦九俎內饗王舉則陳其鼎俎

匠人注牛鼎之局長三尺腳鼎之局長二尺

疏以爲漢

禮器制度

聘禮宰夫朝服設飧飪一牢在西鼎九羞鼎

三腥一牢在東鼎七

注羞鼎則陪鼎也以其實則曰羞以其東則曰陪

上介

飪一牢在西鼎九羞鼎三 郊特牲鼎俎奇疏聘禮
牛一羊二豕三魚四腊五腸胃六膚七鮮魚八鮮腊
九是正鼎九陪鼎腳一臠二臠三鼎別一俎俎亦九
少牢陳五鼎羊一豕二膚三魚四腊五特牲三鼎牲
一魚二腊三亦有俎 折俎一非正俎 左傳飧有陪
鼎 陪加也

周甗

考工記陶人爲甗實一鬴厚半寸脣寸盆甗實二鬴

鬲實五穀庾實二穀

厚脣同

注甗無底甗

左傳齊

賂晉以紀甗釋文王甗也

公羊傳注或說王甗

皇朝太宗時

長安民得獻其狀下爲鼎三足上爲方甌中設銅簞
可以開闔有銘在其側句中正識其文曰甌也遂藏
祕閣

周仲山甫鼎

見下 崔駰仲山甫鼎銘曰鼎耳革其行塞雉膏不
食方雨虧悔終吉有福足勝其任公餗乃珍於高思
危在滿戒溢可以永年天之大理

周瑞鼎

公羊傳注

見下段

晉莒二方鼎 宋正考父鼎銘

左傳昭七年夏鄭子產聘晉晉侯有疾韓宣子問曰

寡君有疾今夢黃熊入于寢門對曰云云賜子產莒

之二方鼎

莒所貢也金石錄有方鼎銘藏岐山馮氏張舜民云夏時器也正義服虔云鼎

三足則圓四足則方

秋九月孟僖子曰正考父

弗父何曾孫佐戴武

宣三命茲益其

三命上卿也言位高益其故其鼎銘云考父廟一

命而僂再命而僇三命而俯

俯其於僇僇其於僇循牆而走亦

莫余敢侮鱣於是鬻於是

言至僇以餉余曰其其也如

是

僖子之言在二十四年

公羊傳注郤所以有大鼎者周家

以世孝天瑞之鼎以助享祭諸侯有世孝者天子亦

作鼎以賜之禮祭天子九鼎諸侯七卿大夫五元士

三

詩注作器能銘可以為大夫 考工記六分其金而

錫居一謂之鍾鼎之齊

魯郕鼎

左傳桓公二年春宋以郕大鼎賂公

郕國所造器

夏四月

取郕大鼎于宋戊申納于大廟非禮也臧哀伯諫曰

官之失德寵賂章也郕鼎在廟章孰甚焉公不聽公羊

日器從名

魯岑鼎

呂氏春秋齊攻魯求岑鼎魯君載他鼎以往齊侯弗